

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 01-

Datum:

PRIJEDLOG

Na osnovu člana 12. Zakona o ministarskim, vladinim i drugim imenovanjima FBiH ("Službene novine FBiH", broj: 12/03, 34/03 i 65/13), člana 8. stav 5. Odluke o utvrđivanju standarda i kriterija za imenovanja na upražnjene pozicije u reguliranim tijelima Općine Tešanj ("Službeni glasnik općine Tešanj", broj: 8/03, 1/04, 10/06 i 10/16) i člana 14. Statuta Općine Tešanj («Službeni glasnik Općine Tešanj», broj: 11/07), Općinsko vijeće Tešanj na svojoj _____ sjednici, održanoj _____ 2017. godine, donosi

ODLUKU

**o potvrđivanju liste najboljih kandidata za
Nadzorni odbor JP "Toplana" d.d. Tešanj**

Član 1.

(1) Utvrđuje se konačna lista kandidata za Nadzorni odbor JP "Toplana" d.d. Tešanj, kako slijedi:

1. Ljevaković Almir,
2. Deljković Nedim i
3. Hodžić Almir.

Član 2.

(1) Dva člana Nadzornog odbora se nominuju ispred Osnivača, Općine Tešanj.

(2) Popuna Nadzornog odbora trećim članom, prema redosljedu kandidata sa rednog broja tri, izvršit će se ukoliko iz bilo kojih razloga u periodu predlaganja Skupštini dioničarskog društva, ostali dioničari ne predlože svoje kandidate za izbor trećeg člana Nadzornog odbora.

Član 3.

(1) U skladu sa članom 2. ove Odluke, Skupština JP "Toplana" d.d. Tešanj će imenovati članove Nadzornog odbora JP "Toplana" d.d. Tešanj.

Član 4.

(1) Ova odluka stupa na snagu narednog dana od dana objave u "Službenom glasniku Općine Tešanj".

PREDSJEDAVAJUĆI VIJEĆA

Subašić N. Senad, dipl. ecc.

Obrazloženje

PRAVNI OSNOV

Pravni osnov za donošenje Odluke o potvrđivanju liste najboljih kandidata za Nadzorni odbor JP "Toplana" d.d. Tešanj sadržan je u Zakonu o ministarskim, vladinim i drugim imenovanjima FBiH ("Službene novine FBiH", broj: 12/03, 34/03 i 65/13) i Odluci o utvrđivanju Standarda i kriterija za imenovanja na upražnjene pozicije u reguliranim tijelima Općine Tešanj ("Službeni glasnik Općine Tešanj", broj: 8/03, 1/04, 10/06 i 10/16).

Obrazloženje

U skladu sa Odlukom o utvrđivanju Standarda i kriterija za imenovanja na upražnjene pozicije u reguliranim tijelima Općine Tešanj ("Službeni glasnik Općine Tešanj", broj: 8/03, 1/04, 10/06 i 10/16) provedena je procedura oglašavanja upražnjenih pozicija u Nadzornom odboru JP "Toplana" d.d. Tešanj.

Imenovana Komisija je izvršila uvid i pregled svih prijava, provela intervju sa svim kandidatima koji su ušli u uži izbor i na osnovu potpune dokumentacije utvrdila rang-listu sa najboljim kandidatima.

Rb	JP "RAD" dd Tešanj	Pozicija
1.	Ljevaković Almir	Član
2.	Deljković Nedim	Član
3.	Hodžić Almir	Član
4.	Ogrić Esmira	Član
5.	Hrvić Amira	Član
6.	Mešinović Sedin	Član
7.	Hrvić Sanel	Član
8.	Plančić Šerif	Član
9.	Krdžalić Ibrahim	Član
10.	Bavrk Đula	Član

Prilikom sastavljanja rang-liste najboljih kandidata Komisija je uzela u obzir kvalifikaciju svakog kandidata, njihovu sposobnost, iskustvo, nepristrasnost u donošenju odluka, kreativnost, komunikativnost, poznavanje stranih jezika kao i postojanje eventualnog sukoba interesa te privatnog interesa kandidata.

Kandidati od 1.- 3. mjesta prilikom intervjuja najbolje su pokazali sposobnost nepristrasnog donošenja odluka, poznavanje nadležnosti nadzornog odbora, rad i poslovanje javnih preduzeća, kreativne i menadžerske sposobnosti, komunikativnost, predlaganje mjera poboljšanja u poslovanju idr.

Kratke biografije kandidata sa konačne liste:

Almir Ljevaković je diplomirani inženjer mašinstva, 1981. godište, nastanjen na Čifluku, zaposlen u BME doo Tešanj, trenutno Predsjednik NO Toplana dd Tešanj. Poznaje engleski jezik, rad na računaru, posjeduje Certifikat o usavršavanju nadzornih odbora i uprava privrednih društava sa učešćem državnog kapitala te Certifikate na usavršavanju u svojoj struci.


Deljković Nedim je diplomirani kriminalist, 1980. godište, nastanjen u Tešnju (Ošljak), zaposlen u Centrosolar doo Tešanj, Predsjednik je školskog odbora MSS Tešanj, aktivan u organizacijama mladih, poznaje engleski jezik i rad na računaru.

Hodžić Almir je završio Fakultet političkih nauka, odsjek odbrana i sigurnost, 1982. godište, nastanjen u Jelahu, bio zaposlen u općinskoj upravi Teslić, u Hrast doo Tešanj, trenutno zaposlen u "Hrvić-gradnja" doo Tešanj, poznaje engleski jezik.

Na osnovu dostavljene Liste, u skladu sa članom 8. stav 5. Odluke o utvrđivanju standarda i kriterija za imenovanja na upražnjene pozicije u reguliranim tijelima Općine Tešanj pripremljena je Odluka o potvrđivanju liste najboljih kandidata za Nadzorni odbor JP "Toplana" d.d. Tešanj.


Nakon potvrđivanja liste najuspješnijih kandidata ista se dostavlja Skupštini JP "Toplana" d.d. Tešanj koja je nadležna za izbor članova Nadzornog odbora.

OBRADIVAČ
Služba za finansije, privredu, komunalne i
inspeksijske poslove


Hamzaliya Hojkurić, dipl.oec.



PREDLAGAČ
OPĆINSKI NAČELNIK


Mr. sci. Suad Huskić

Broj: 02-49-2-2090-8/16

Dana: 21.11.2017. god.